



Broj: 13-03/1-31-2641/25
Sarajevo, 27.05.2025. godine

Na osnovu člana 56. Zakona o organizaciji organa uprave u Federaciji Bosne i Hercegovine ("Službene novine Federacije Bosne i Hercegovine" broj 35/05), člana 15. Zakona socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", br. 38/14 - Prečišćeni tekst i 38/16, 44/17, 28/18, 52/21, 40/22 i 13/25) i Odluke o usvajanju Programa utroška sredstava s kriterijima raspodjele tekućih transfera utvrđenih Budžetom Kantona Sarajevo Ministarstva za rad, socijalnu politiku, raseljena lica i izbjeglice Kantona Sarajevo za 2025. godinu ("Službene novine Kantona Sarajevo" br. 16/25), ministrica za rad, socijalnu politiku, raseljena lica i izbjeglice Kantona Sarajevo donosi

SOCIJALNI PROGRAM

KAO SKUP MJERA I AKTIVNOSTI KOJE SU USMJERENE NA PREVENIRANJE I OTKLANJANJE STANJA SOCIJALNE NESIGURNOSTI POJEDINIH KATEGORIJA STANOVNIŠTVA

Socijalni program kao skup mjera i aktivnosti koje su usmjerene na preveniranje i otklanjanje stanja socijalne nesigurnosti pojedinih kategorija stanovništva (u daljem tekstu: Socijalni program) donosi se u cilju poboljšavanja socijalnog i sveukupnog stanja pojedinih kategorija stanovništva, a predmetni socijalni program sadrži sedam aktivnosti usmjerene na više različitih kategorija korisnika socijalne zaštite.

Za realizaciju predmetnog socijalnog programa su u Budžetu Kantona Sarajevo za 2025. godinu - Ministarstva za rad, socijalnu politiku, raseljena lica i izbjeglice Kantona Sarajevo ekonomski kod 614200, funkcija 107F, subanalitika NAM001 - "Socijalna zaštita" obezbijeđena sredstva u iznosu od 150.000,00KM.

1. Zaštita žrtava nasilja u porodici

I Aktivnosti u okviru dijela socijalnog programa "Zaštita žrtava nasilja u porodici" u fokusu ima žene žrtve nasilja koje su bile smještene u Sigurnoj kući koja egzistira u sastavu Fondacije lokalne demokratije, a za koje stručni radnici Javne ustanove "Kantonalni centar za socijalni rad" - nadležnih službi socijalne zaštite i stručno osoblje Sigurne kuće, na osnovu svoje ekspertize i iskustva u radu sa ovom populacijom ocijene da im je potrebno pružiti podršku i po izlasku iz Sigurne kuće.

II Cilj ovih aktivnosti je osiguravanje smještaja za žene žrtve nasilja koje su prošle tretman u Sigurnoj kući i po izlasku iz iste su nastavile da samostalno žive i rade, a sve u cilju njihovog dodatnog osnaživanja na socijalnom, ekonomskom i psihološkom polju, te sprečavanja povratka nasilniku.

III Korisnice ovih aktivnosti su žene i djevojke žrtve nasilja, odnosno osobe izložene zlostavljanju i nasilju u porodici kao utvrđena kategorija korisnika shodno članu 14. Zakona socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", br. 38/14 - Prečišćeni tekst i 38/16, 44/17, 28/18, 52/21, 40/22 i 13/25), a koje su kao takve registrovane u nadležnim službama socijalne zaštite, završile su tretman u Sigurnoj kući, te za koje se praćenjem utvrdi da se nisu vratile nasilniku i da im je ovaj vid podrške potreban.

IV Shodno Protokolu o radu i saradnji Koordinacionog tijela na prevenciji, zaštiti i borbi protiv nasilja u porodici u Kantonu Sarajevo, Javna ustanova "Kantonalni centar za socijalni rad" u cilju zaštite žrtve nasilja u porodici, između ostalog, izdaje saglasnost i koordinira smještaj u Sigurnu kuću koja egzistira u sastavu Fondacije lokalne demokratije, te u saradnji sa Sigurnom kućom izrađuje individualni plan zaštite za žrtvu.

V U skladu sa potpisanim Protokolom o saradnji između Javne ustanove "Kantonalni centar za socijalni rad" i Fondacije lokalne demokratije o međusobnoj saradnji u radu Mobilnog tima, navedeni tim će pružati podršku i realizirati stručni rad sa korisnicama koje su obuhvaćene ovim programom.

VI Korisnice za koje stručni radnici Javne ustanove "Kantonalni centar za socijalni rad", odnosno nadležnih službi socijalne zaštite i stručno osoblje Sigurne kuće, na osnovu utvrđenih kriterija i praćenja njihovog stanja po izlasku iz Sigurne kuće, ustanove da se iste nisu vratile nasilniku i da im je potreban ovaj vid podrške u njihovoj borbi za egzistenciju i osamostaljivanje, dobiće novčanu podršku za plaćanje troškova podstanarstva i režijskih troškova. Spiskove navedenih korisnica će Javna ustanova "Kantonalni centar za socijalni rad" dostaviti Ministarstvu za rad, socijalnu politiku, raseljena lica i izbjeglice Kantona Sarajevo koje će vršiti isplatu istim.

VII Ukupni planirani troškovi realizacije predmetnih aktivnosti iznose 84.000,00 KM, a korisnice obuhvaćene ovim aktivnostima u okviru Socijalnog programa će biti u obavezi da sredstva utroše za plaćanje troškova stanarine i režijske troškove u stanu koji koriste. Ukupni iznos stanarine i režijskih troškova isplatiti će se korisnicima u iznosu do 700,00KM. Novčanu podršku će moći ostvariti najviše 15 korisnica, i to u iznosu do 700,00KM i u trajanju od najviše 8 mjeseci (do kraja 2025. godine).

VIII O svakoj eventualnoj izmjeni statusa i drugim relevantnim pitanjima vezanim za drugačiji način utroška sredstava, Javna ustanova "Kantonalni centar za socijalni rad" je dužna obavijestiti Ministarstvo za rad, socijalnu politiku, raseljena lica i izbjeglice Kantona Sarajevo.

IX Nosioci realizacije navedenih aktivnosti su Javna ustanova "Kantonalni centar za socijalni rad" i Fondacija lokalne demokratije, a nosioci provođenja monitoringa za realizaciju istog su Ministarstvo za rad, socijalnu politiku, raseljena lica i izbjeglice Kantona Sarajevo i Ministarstvo finansija Kantona Sarajevo.



Adresa: Reisa Džemaludina Čauševića 1, 71 000 Sarajevo
Tel: + 387(0)33 562-089, Fax: + 387(0)33 562-090
Web: <http://mrsri.ks.gov.ba>, E-mail: mrsri@mrsri.ks.gov.ba

2/9

2. Predbračno savjetovanje u cilju prevencije razvoda braka i porodične disfunkcionalnosti

I Aktivnosti u okviru dijela Socijalnog programa "Predbračno savjetovanje" imaju u fokusu aktivnosti u cilju prevencije razvoda braka kroz pružanje podrške mladima koji ulaze u prvu fazu životnog ciklusa porodice, a imajući u vidu da analiza statističkih podataka pokazuje da je broj razvoda u Kantonu Sarajevo u značajnom porastu u odnosu na raniji period.

II Cilj ovih aktivnosti je jačanje kompetencija mladih za izgradnju funkcionalnih partnerskih odnosa, kao i prevencija porodične disfunkcionalnosti. Očekivani efekti realizacije planiranih aktivnosti su upoznavanje i psihoedukacija partnera sa specifičnostima partnerskog odnosa, sa modelima komunikacije u partnerskom odnosu, sa očekivanim i neočekivanim krizama unutar partnerskog odnosa, kao i prepoznavanje potrebe za stručnom podrškom u razrješavanju kriza unutar partnerskog odnosa.

III Korisnici ovih aktivnosti su parovi od kojih minimalno jedan ima prijavljeno prebivalište u jednoj od devet općina u Kantonu Sarajevo, te koji prijave vjenčanje u nekoj od općina u Kantonu Sarajevo. Parovima koji prijave vjenčanje u općinama u Kantonu Sarajevo će biti ponuđeno da prođu kroz ciklus edukacija na kojima će se obrađivati različite teme u cilju pripreme budućih bračnih parova za izazove koje sa sobom nosi zajednički život kroz jačanje kompetencija mladih za izgradnju funkcionalnih partnerskih odnosa. Parovi koji prihvate učešće u predbračnom savjetovanju, te realiziraju vjenčanje u jednoj od općina u Kantonu Sarajevo u periodu trajanja socijalnog programa, ostvaruju pravo na poklon vaučer u jednokratnom iznosu od 300,00 KM. Navedenim aktivnostima će biti obuhvaćeno najviše 120 mladih parova iz Kantona Sarajevo.

IV Aktivnosti ovog dijela Socijalnog programa će biti realizirane kroz interaktivne i edukativne radionice koje podrazumijevaju savjetodavni grupni rad i multimedijalne prezentacije za mlade parove sa ciljem sticanja znanja, vještina i kompetencija vezanih za partnerstvo.

V Kantonalna javna ustanova "Porodično savjetovalište" će prije realizacije predmetnih aktivnosti, sa općinama precizirati način dobijanja informacija o mladim parovima koji planiraju stupanje u brak, a u cilju njihovog uključivanja u aktivnosti predbračnog savjetovanja.

VI Aktivnosti će realizirati odgovarajući stručni kadar Kantonalne javne ustanove "Porodično savjetovalište", a Ustanova će obezbjediti i prostor i uslove za realizaciju savjetodavnog rada. Ustanova će sredstva – poklon vaučer za mlade bračne parove uplatiti na tekući račun jednog partnera, nakon dostavljenog zahtjeva za isplatu sredstava ovoj Javnoj ustanovi i priloženi vjenčani list i dokaz o prijavi mjesta prebivališta u jednoj od općina u Kantonu Sarajevo.

VII Ukupni planirani troškovi realizacije predmetnih aktivnosti iznose 38.000,00 KM, a ova sredstva će Ministarstvo za rad, socijalnu politiku, raseljena lica i izbjeglice Kantona Sarajevo prebaciti preraspodjelom sredstava unutar istog razdjela Kantonalnoj javnoj ustanovi "Porodično savjetovalište". Struktura utroška planiranih sredstava je slijedeća: 300,00KM (poklon vaučer) x 120 budućih bračnih parova = 36.000,00KM i 2.000,00KM za troškove organizacije radionica, troškove reprezentacije i štampanje materijala.



Adresa: Reisa Džemaludina Čauševića 1, 71 000 Sarajevo
Tel: + 387(0)33 562-089, Fax: + 387(0)33 562-090
Web: <http://mrsri.ks.gov.ba>, E-mail: mrsri@mrsri.ks.gov.ba

VIII O svakoj eventualnoj izmjeni statusa i drugim relevantnim pitanjima vezanim za drugačiji način utroška sredstava Kantonalna javna ustanova "Porodično savjetovalište" je dužna obavijestiti Ministarstvo za rad, socijalnu politiku, raseljena lica i izbjeglice Kantona Sarajevo.

IX Nosilac realizacije navedenih aktivnosti je Kantonalna javna ustanova "Porodično savjetovalište", a nosioci provođenja monitoringa za realizaciju istog su Ministarstvo za rad, socijalnu politiku, raseljena lica i izbjeglice Kantona Sarajevo i Ministarstvo finansija Kantona Sarajevo.

3. Podrška radu Dnevnog centra kao servisa podrške djeci čiji je razvoj ometen porodičnim prilikama i porodicama u riziku od razdvajanja

I Aktivnosti u okviru dijela Socijalnog programa "Podrška radu Dnevnog centra kao servisa podrške djeci čiji je razvoj ometen porodičnim prilikama i porodicama u riziku od razdvajanja" imaju u fokusu aktivnosti u smislu unapređenja pružanja usluga djeci bez roditeljskog staranja i djeci i porodicama u riziku od razdvajanja, a sve u cilju preveniranja razdvajanja djece od svojih bioloških srodnika, korekcija ponašanja i jačanje životnih vještina.

II Cilj ovih aktivnosti je, između ostalog, pomoć u pravilnom rastu i razvoju u oblasti govora i jezika djece bez roditeljskog staranja i djece i porodica u riziku od razdvajanja kroz angažman logopeda, kao i prevencija razdvajanja djece od svojih bioloških srodnika kroz uključivanje djece u riziku od razdvajanja sa područja Kantona Sarajevo u aktivnosti i usluge Dnevnog centra.

III Korisnici ovih aktivnosti su djeca bez roditeljskog staranja, djeca u riziku od razdvajanja i djeca u procesu reintegracije kojima treba pomoć u pravilnom rastu i razvoju, posebno u oblasti govora i jezika – tipičnog i atipičnog razvoja. Navedenim aktivnostima će biti obuhvaćeno do 70 djece logopata i 20 djece u riziku od razdvajanja – tipičnog i atipičnog razvoja.

IV Kantonalna javna ustanova Dom za djecu bez roditeljskog staranja će za potrebe realizacije predmetnog socijalnog programa angažovati logopeda na nivou 15 sati sedmično, te izvršiti nabavku goriva neophodnog za prevoz djece - korisnika.

V Ukupni planirani troškovi realizacije predmetnih aktivnosti iznose 9.656,00 KM, a ova sredstva će Ministarstvo za rad, socijalnu politiku, raseljena lica i izbjeglice Kantona Sarajevo prebaciti preraspodjelom sredstava unutar istog razdjela Kantonalnoj javnoj ustanovi Dom za djecu bez roditeljskog staranja. Struktura utroška planiranih sredstava je slijedeća: 827,00KM (mjesečna bruto naknada logopedu) x 8 mjeseci = 6.616,00KM za potrebe angažmana logopeda i 3 040,00KM za nabavku goriva za prevoz korisnika, što ukupno iznosi 9.656,00KM.

VI O svakoj eventualnoj izmjeni statusa i drugim relevantnim pitanjima vezanim za drugačiji način utroška sredstava Kantonalna javna ustanova Dom za djecu bez roditeljskog staranja je dužna obavijestiti Ministarstvo za rad, socijalnu politiku, raseljena lica i izbjeglice Kantona Sarajevo.

VII Nosilac realizacije navedenih aktivnosti je Kantonalna javna ustanova Dom za djecu bez roditeljskog staranja, a nosioci provođenja monitoringa za realizaciju istog su Ministarstvo za rad, socijalnu politiku, raseljena lica i izbjeglice Kantona Sarajevo i Ministarstvo finansija Kantona Sarajevo.



Adresa: Reisa Džemaludina Čauševića 1, 71 000 Sarajevo
Tel: + 387(0)33 562-089, Fax: + 387(0)33 562-090
Web: <http://mrsri.ks.gov.ba>, E-mail: mrsri@mrsri.ks.gov.ba

4/9

4. Prevencija neprihvatljivih oblika ponašanja kroz iskustveno učenje

I Aktivnosti u okviru dijela Socijalnog programa "Prevencija neprihvatljivih oblika ponašanja kroz iskustveno učenje" imaju u fokusu aktivnosti u cilju redukcije vršnjačkog nasilja, odnosno resocijalizaciju maloljetnika korisnika usluga Službe za preventivni rad i Službe za zbrinjavanje djece u stanju potrebe pri Kantonalnoj javnoj ustanovi „Odgojni centar Kantona Sarajevo“.

II Cilj ovih aktivnosti je, između ostalog, razvijanje socijalnih vještina i pozitivnih obrazaca ponašanja, unapređenje emocionalne regulacije i upravljanja stresom, podsticanje empatije, tolerancije i međusobnog poštovanja, osnaživanje ličnog samopouzdanja i osjećaja vrijednosti, prevencija nasilnog ponašanja i izgradnja nenasilne komunikacije, kao i omogućavanje pozitivnih iskustava djeci iz socijalno ugroženih porodica i podsticanje dugoročnih promjena u ponašanju.

III Korisnici ovih aktivnosti su maloljetnici koji koriste usluge Službe za preventivni rad i Službe za zbrinjavanje djece u stanju potrebe pri Kantonalnoj javnoj ustanovi „Odgojni centar Kantona Sarajevo“. Navedenim aktivnostima će biti obuhvaćeno 10 korisnika - maloljetnika iz Kantona Sarajevo koji se nalaze na smještaju.

IV Aktivnosti ovog dijela Socijalnog programa će biti realizirane kroz radionice i iskustvene aktivnosti u prirodi u planinarskoj kući u Ledićima, edukativne radionice, sportske igre i izlet u ZOO vrt.

V Kantonalna javna ustanova „Odgojni centar Kantona Sarajevo“ će prije realizacije predmetnih aktivnosti, sa Kantonalnom javnom ustanovom „Dom za djecu bez roditeljskog staranja“ ostvariti potrebnu saradnju radi korištenja smještajnih kapaciteta u planinarskoj kući u Ledićima.

VI Aktivnosti će realizirati odgovarajući stručni kadar Kantonalne javne ustanove „Odgojni centar Kantona Sarajevo“.

VII Ukupni planirani troškovi realizacije predmetnih aktivnosti iznose 5.000,00 KM, a ova sredstva će Ministarstvo za rad, socijalnu politiku, raseljena lica i izbjeglice Kantona Sarajevo prebaciti preraspodjelom sredstava unutar istog razdjela Kantonalnoj javnoj ustanovi „Odgojni centar Kantona Sarajevo“. Struktura utroška planiranih sredstava je slijedeća: nabavka neophodnih sredstava za realizaciju izleta za 10 korisnika (higijenske potrepštine, lijekovi i medicinski materijal, materijal za edukativne radionice, hrana i odjeća) u iznosu od 3.700,00 KM, kupovina ulaznica za ZOO vrt u iznosu od 200,00 KM i troškovi prevoza u iznosu od 1.100,00 KM.

VIII O svakoj eventualnoj izmjeni statusa i drugim relevantnim pitanjima vezanim za drugačiji način utroška sredstava Kantonalna javna ustanova „Odgojni centar Kantona Sarajevo“ je dužna obavijestiti Ministarstvo za rad, socijalnu politiku, raseljena lica i izbjeglice Kantona Sarajevo.

IX Nosilac realizacije navedenih aktivnosti je Kantonalna javna ustanova „Odgojni centar Kantona Sarajevo“, a nosioci provođenja monitoringa za realizaciju istog su Ministarstvo za rad, socijalnu politiku, raseljena lica i izbjeglice Kantona Sarajevo i Ministarstvo finansija Kantona Sarajevo.



Adresa: Reisa Džemaludina Čauševića 1, 71 000 Sarajevo
Tel: + 387(0)33 562-089, Fax: + 387(0)33 562-090
Web: <http://mrsri.ks.gov.ba>, E-mail: mrsri@mrsri.ks.gov.ba

5/9

5. Inkluzivnim turističkim izletima do unapređenja socijalne inkluzije osoba sa invaliditetom

I Aktivnosti u okviru dijela Socijalnog programa "Inkluzivnim turističkim izletima do unapređenja socijalne inkluzije osoba sa invaliditetom" imaju u fokusu aktivnosti u cilju poboljšanja kvalitete života za korisnike usluga Kantonalne javne ustanove „Dom za socijalno zdravstveno zbrinjavanje osoba sa invaliditetom i drugih osoba“.

II Cilj ovih aktivnosti je, između ostalog, poboljšanja kvalitete života za korisnike usluga Ustanove, očuvanje preostalih tjelesnih kapaciteta i sposobnosti, konstruktivno planiranje slobodnog vremena uz slobodu izbora, veći stepen zadovoljstva korisnika Ustanove, jačanje samopouzdanja, te pristup bogatijim iskustvima koji doprinose njihovom fizičkom i mentalnom zdravlju, te općem zadovoljstvu.

III Korisnici ovih aktivnosti su korisnici koji se nalaze na smještaju u Kantonalnoj javnoj ustanovi „Dom za socijalno zdravstveno zbrinjavanje osoba sa invaliditetom i drugih osoba“.

IV Aktivnosti ovog dijela Socijalnog programa će biti realizirane kroz inkluzivne turističke izlete za 20 korisnika Kantonalne javne ustanove „Dom za socijalno zdravstveno zbrinjavanje osoba sa invaliditetom i drugih osoba“.

V Aktivnosti će realizirati odgovarajući stručni kadar Kantonalne javne ustanove „Dom za socijalno zdravstveno zbrinjavanje osoba sa invaliditetom i drugih osoba“.

VII Ukupni planirani troškovi realizacije predmetnih aktivnosti iznose 5.000,00 KM, a ova sredstva će Ministarstvo za rad, socijalnu politiku, raseljena lica i izbjeglice Kantona Sarajevo prebaciti preraspodjelom sredstava unutar istog razdjela Kantonalnoj javnoj ustanovi „Dom za socijalno zdravstveno zbrinjavanje osoba sa invaliditetom i drugih osoba“. Struktura utroška planiranih sredstava je slijedeća: nabavka neophodnih sredstava za realizaciju izleta za 20 korisnika (ulaznice za turističke atrakcije, hrana, piće) u iznosu od 1.500,00KM i troškovi prevoza u iznosu od 3.500,00 KM.

VII O svakoj eventualnoj izmjeni statusa i drugim relevantnim pitanjima vezanim za drugačiji način utroška sredstava Kantonalna javna ustanova „Dom za socijalno zdravstveno zbrinjavanje osoba sa invaliditetom i drugih osoba“ je dužna obavijestiti Ministarstvo za rad, socijalnu politiku, raseljena lica i izbjeglice Kantona Sarajevo.

VIII Nosilac realizacije navedenih aktivnosti je Kantonalna javna ustanova „Dom za socijalno zdravstveno zbrinjavanje osoba sa invaliditetom i drugih osoba“, a nosioci provođenja monitoringa za realizaciju istog su Ministarstvo za rad, socijalnu politiku, raseljena lica i izbjeglice Kantona Sarajevo i Ministarstvo finansija Kantona Sarajevo.

6. Psihosocijalna podrška oboljelima od demencije

I Aktivnosti u okviru dijela Socijalnog programa "Psihosocijalna podrška oboljelima od demencije" u fokusu ima korisnike smještene u stacionarnom dijelu Kantonalne javne ustanove „Gerontološki centar“, a koji su oboljeli od demencije.

II Cilj ovih aktivnosti je unapređenje rada Ustanove sa dementnim korisnicima, poboljšanje psihomotorike kod dementnih korisnika, a samim tim i usporavanje napredovanja demencije.



Adresa: Reisa Džemaludina Čauševića 1, 71 000 Sarajevo
Tel: + 387(0)33 562-089, Fax: + 387(0)33 562-090
Web: <http://mrsri.ks.gov.ba>, E-mail: mrsri@mrsri.ks.gov.ba

III Korisnici ovih aktivnosti su korisnici koji se nalaze na smještaju u Kantonalnoj javnoj ustanovi „Gerontološki centar“.

IV Aktivnosti ovog dijela Socijalnog programa će biti realizirane kroz individualnu i grupnu psihosocijalnu podršku stručnih uposlenika Ustanove, neuropsihijatra i psihoterapeuta Kantonalne javne ustanove „Porodično savjetovalište“ (socijalni radnik, psiholog, radni terapeut, zdravstveno osoblje) za 80 korisnika u trajanju od 8 mjeseci.

V Aktivnosti će realizirati odgovarajući stručni kadar Kantonalne javne ustanove „Gerontološki centar“, a Ustanova će obezbijediti i prostor i uslove za realizaciju radionica, edukacija te individualni i grupni savjetodavni rad.

VI Javna ustanova „Gerontološki centar“ će prije realizacije predmetnih aktivnosti, sa ustanovama socijalne i zdravstvene zaštite ostvariti potrebnu saradnju radi njihovog uključivanja u realizaciju aktivnosti.

VII Ukupni planirani troškovi realizacije predmetnih aktivnosti iznose 5.500,00 KM, a ova sredstva će Ministarstvo za rad, socijalnu politiku, raseljena lica i izbjeglice Kantona Sarajevo prebaciti preraspodjelom sredstava unutar istog razdjela Kantonalnoj javnoj ustanovi „Gerontološki centar“. Struktura utroška planiranih sredstava je sljedeća: angažman neuropsihijatra i/ili edukatora-rehabilitatora 1-2 puta mjesečno x 8 mjeseci (4.000KM) i troškovi organizacije radionica i osvježenje učesnicima=1.500 KM, što ukupno iznosi 5.500,00 KM.

VII O svakoj eventualnoj izmjeni statusa i drugim relevantnim pitanjima vezanim za drugačiji način utroška sredstava Kantonalna javna ustanova „Gerontološki centar“ je dužna obavijestiti Ministarstvo za rad, socijalnu politiku, raseljena lica i izbjeglice Kantona Sarajevo.

VIII Nosilac realizacije navedenih aktivnosti je Kantonalna javna ustanova „Gerontološki centar“, a nosioci provođenja monitoringa za realizaciju istog su Ministarstvo za rad, socijalnu politiku, raseljena lica i izbjeglice Kantona Sarajevo i Ministarstvo finansija Kantona Sarajevo.

7. Psihosocijalna i zdravstvena podrška korisnicima u Programu JU Terapijska zajednica - Kampus Kantona Sarajevo

I Aktivnosti u okviru dijela Socijalnog programa "Psihosocijalna i zdravstvena podrška korisnicima u Programu JU Terapijska zajednica - Kampus Kantona Sarajevo" imaju u fokusu aktivnosti u cilju uspostavljanja specifičnog programa rada kako bi se ojačalo mentalno zdravlje i resocijalizacija korisnika JU Terapijska zajednica - Kampus Kantona Sarajevo kroz podršku profesionalaca iz sistema socijalne i zdravstvene zaštite.

II Cilj ovih aktivnosti je, između ostalog, pružanje psihosocijalne pomoći kroz stručni rad zdravstvenih i drugih profesionalaca, kako bi se uspostavila pravilna dijagnoza i pružila adekvatna terapija. Kod ovih korisnika zbog zloupotrebe i aktivnog korištenja droga dolazi do pojave dualnih dijagnoza (shizofrenija, bipolarni poremećaj i ostali poremećaji koji zahtijevaju obaveznu medikamentoznu terapiju, nadzor i saradnju sa psihijatom), posebno u adaptacijskoj fazi tretmana. Cilj je također edukacija o do/kvalifikaciji korisnika kroz sticanje znanja i vještina u cilju njihove resocijalizacije i reintegracije.



Adresa: Reisa Džemaludina Čauševića 1, 71 000 Sarajevo
Tel: + 387(0)33 562-089, Fax: + 387(0)33 562-090
Web: <http://mrsri.ks.gov.ba>, E-mail: mrsri@mrsri.ks.gov.ba

7/9

III Korisnici ovih aktivnosti su korisnici koji učestvuju u psihosocijalnom tretmanu (korisnici u tretmanu, korisnici u smještaju, korisnici u podršci i savjetovanju). Navedenim aktivnostima će biti obuhvaćeno oko 20 korisnika iz Kantona Sarajevo koji se nalaze na smještaju.

IV Aktivnosti ovog dijela Socijalnog programa će biti realizirane kroz radionice i edukacije o zdravstvenom prosvjećivanju korisnika, suportivnu psihoterapiju, pojedinačnu i grupnu psihoedukaciju, prevenciju kriminaliteta kod ovisnika sa stanovišta sudske psihijatrije, edukaciju o značaju rehabilitacije i mentalnog zdravlja za osobe u tretmanu ovisnosti i primjeni farmakoterapije u tretmanu ovisnika, ali edukacija i do/kvalifikacija korisnika kroz sticanje znanja i vještina u cilju njihove resocijalizacije i reintegracije.

V JU Terapijska zajednica - Kampus Kantona Sarajevo će prije realizacije predmetnih aktivnosti, sa ustanovama zdravstvene zaštite i Službom za zapošljavanje ostvariti potrebnu saradnju radi njihovog uključivanja u realizaciju aktivnosti.

VI Aktivnosti će realizirati odgovarajući stručni kadar JU Terapijska zajednica - Kampus Kantona Sarajevo, a ova Ustanova će obezbjediti i prostor i uslove za realizaciju navedenih aktivnosti.

VII Ukupni planirani troškovi realizacije predmetnih aktivnosti iznose 2.840,00 KM, a ova sredstva će Ministarstvo za rad, socijalnu politiku, raseljena lica i izbjeglice Kantona Sarajevo prebaciti preraspodjelom sredstava unutar istog razdjela JU Terapijska zajednica - Kampus Kantona Sarajevo. Struktura utroška planiranih sredstava je sljedeća: angažman neuropsihijatra 1.840,00 KM, i realizacija radionica i osvježenje učesnicima 1.000,00 KM= 2.840,00KM.

VIII O svakoj eventualnoj izmjeni statusa i drugim relevantnim pitanjima vezanim za drugačiji način utroška sredstava JU Terapijska zajednica - Kampus Kantona Sarajevo je dužna obavijestiti Ministarstvo za rad, socijalnu politiku, raseljena lica i izbjeglice Kantona Sarajevo.

IX Nosilac realizacije navedenih aktivnosti je JU Terapijska zajednica - Kampus Kantona Sarajevo, a nosioci provođenja monitoringa za realizaciju istog su Ministarstvo za rad, socijalnu politiku, raseljena lica i izbjeglice Kantona Sarajevo i Ministarstvo finansija Kantona Sarajevo.

Po provedenim aktivnostima iz Socijalnog programa, navedene ustanove socijalne zaštite su dužne sačiniti i dostaviti u Ministarstvo za rad, socijalnu politiku, raseljena lica i izbjeglice Kantona Sarajevo narativni i finansijski izvještaj o realizovanim aktivnostima, i to JU "Kantonalni centar za socijalni rad" za dio socijalnog programa „Zaštita žrtava nasilja u porodici“, KJU "Porodično savjetovalište" za dio socijalnog programa „Predbračno savjetovanje“, KJU Dom za djecu bez roditeljskog staranja za dio socijalnog programa „Podrška radu Dnevnog centra kao servisa podrške djeci čiji je razvoj ometen porodičnim prilikama i porodicama u riziku od razdvajanja“, KJU „Odgojni centar Kantona Sarajevo“ za dio socijalnog programa „Prevencija neprihvatljivih oblika ponašanja kroz iskustveno učenje“, KJU „Dom za socijalno zdravstveno zbrinjavanje osoba sa invaliditetom i drugih osoba“ za dio socijalnog programa „Inkluzivnim turističkim izletima do unapređenja socijalne inkluzije osoba sa invaliditetom“, KJU „Gerontološki centar“ za dio socijalnog programa „Psihosocijalna podrška oboljelima od demencije“ i JU Terapijska zajednica – Kampus Kantona Sarajevo za dio socijalnog programa "Psihosocijalna i zdravstvena podrška korisnicima u Programu JU Terapijska zajednica - Kampus Kantona Sarajevo“.



Rok za dostavu predmetnog izvještaja je 31.01.2026. godine.

Obaveza Ministarstva za rad, socijalnu politiku, raseljena lica i izbjeglice Kantona Sarajevo je da kontinuirano vrši monitoring nad provođenjem socijalnog programa kroz praćenje realizacije aktivnosti sa stručnog i finansijskog aspekta, te kroz analizu dostavljenih izvještaja ustanova i praćenja utroška sredstava.



Dostavljeno:

1. Ministarstvo za rad, socijalnu politiku, raseljena lica i izbjeglice Kantona Sarajevo,
2. Ministarstvo finansija Kantona Sarajevo,
3. Javna ustanova "Kantonalni centar za socijalni rad"
4. Fondacija lokalne demokratije
5. Kantonalna javna ustanova "Porodično savjetovalište",
6. Kantonalna javna ustanova Dom za djecu bez roditeljskog staranja,
7. Kantonalna javna ustanova „Odgojni centar Kantona Sarajevo“,
8. Kantonalna javne ustanova „Dom za socijalno zdravstveno zbrinjavanje osoba sa invaliditetom i drugih osoba“,
9. Kantonalna javna ustanova „Gerontološki centar“,
10. Javna ustanova Terapijska zajednica – Kampus Kantona Sarajevo,
11. Evidencija,
12. A r h i v a.



Adresa: Reisa Džemaludina Čauševića 1, 71 000 Sarajevo
Tel: + 387(0)33 562-089, Fax: + 387(0)33 562-090
Web: <http://mrsri.ks.gov.ba>, E-mail: mrsri@mrsri.ks.gov.ba

9/9

